

蠶桑萃編

先
旦
蟲
桑
桑

萃編

長沙徐樹銘題



光緒二十四年二月 梨

直隸候補道 衛 杰 纂

頭品頂戴直隸總督奴才裕祿跪

奏為舉辦蠶政逐漸擴充以廣利源恭摺仰祈

聖鑒事竊查前准戶部咨光緒二十三年十二月初八日奉

上諭徐樹銘奏請飭各省舉行蠶政等語蠶政與農工並重浙江湖北直隸等省均已辦有成效各省宜蠶之地尚多即着各督撫飭令地方官認真籌辦以廣利源欽此當經前督臣王文韶札飭省城蠶桑局移行各屬一體遵辦嗣奉本年七月初四日

上諭桑麻絲茶等項均為民間大利所在全在官為董勸庶幾各治其業成效可觀着各直省督撫督飭地方官各就土物

所宜悉心勸辦以濬利源等因欽此又於七月二十六日奉
上諭刑部奏代遞主事蕭文昭條陳一摺中國出口貨以絲茶
為大宗自通商以來洋貨進口日多漏卮鉅萬恃此二項尚
堪抵制乃近年出口之數銳減若非亟為整頓恐愈趨愈下
益無以保此利權蕭文昭所請設立茶務學堂及蠶桑公院
不為無見著已開通商口岸及出產絲茶省分各督撫迅速
籌議開辦以阜民生而固利源等因欽此復經前督臣榮祿
先後檄飭遵照茲據蠶桑局將歷年辦理蠶桑情形稟覆
前來奴才伏查直隸蠶桑局自光緒十八年候補道衛杰
因直隸地脈深厚外燥內潤蔬果之屬咸勝東南何獨不

宜於桑特惠經理不得其法未覩其利先耗其資坐視民間自然之利無由而成深為可惜該道籍隸四川於樹桑育蠶之法嫻習已久擬擇保定傍水之地購覓園塲試種桑株由川招募熟手並令土著學習日後轉相傳導易於見功惟小民可與樂成難於謀始必須官為倡導迨有成效可覩自視為身家性命之圖不待官為課督等情稟經前督臣李鴻章批飭設局試辦令其切實講求因地制宜莫收得尺得寸之效為北方闢此利源該道旋在省城西關購地一區種植桑秧勤加培護桑株成活蠶業繼興並飭各州縣勸諭紳民承領桑株廣為栽種一面分頒蠶子

刊發蠶桑圖說教以樹桑飼蠶繅絲之法民間知有利益
踴躍奉行所出繭絲逐年增多由局收買運滬出售以暢
銷路並由四川江浙雇來工匠教授紡織之法學徒領悟
如貢緞已緞江緞大緞浣花錦金銀羅絹帶等項均能仿
造上年該局因成效漸著稟經王文韶加派藩臬兩司籌
辦以期推行盡利查直隸原有蠶桑之處向僅深易二州
完縣元氏邢臺三縣現在清苑滿城安肅東鹿高陽安州
定興望都定州深澤曲陽冀州衡水鞏廣昌灤州昌黎撫
甯豐潤等州縣在在皆有加以新領桑株各處共五十餘
州縣茲據該局開報自光緒十八年起至二十三十止前

後發出桑二千一百四十一萬五千株據報成活八九成
及六七成不等本年新種成活桑苗二百五十萬株並圍
存五十八萬四千三百五十株共成三百一十萬四千三
百五十株栽桑之法以種甚為上而蟠根壓條移栽亦可
參用接桑之法以根接為上而皮接葉接壓接各得其宜
計種成桑一株不過值錢二文該局所費無幾而民間獲
利滋多竊思直隸既已設有專局勸辦通省蠶桑即與公
院無異自可毋庸更張省南宜蠶之處尚多應飭該局督
同各州縣因勢利導逐漸擴充務使默化潛移蔚成風俗
以仰副

朝廷衣被羣生之至意所有遵辦緣由理合恭摺覆陳伏乞

皇太后

皇上聖鑒訓示謹

奏奉

硃批知道了欽此

頭品頂戴都察院左都御史臣徐樹銘片

再國用之富藏之於民民富則君不至獨貧民貧則君不能獨富古之訓也況戶部籌款剖析毫釐無非取之於民大亂之後民氣未復何以支持然則莫如振斯民自有之利使之通力合作以收天地生產之精華而可以通商惠工以輔國用之不足者為亟亟也從古大利在於農而阨

之以天時之水旱不能全收其利是以西陵氏教民養蠶以補農政之不足周之祚延八百數十載而豳風一篇諄諄於爰求柔桑以伐遠揚載績獻功與農政並重者所以導民以養之之政而可以為教化之本也孟子言王道曰五畝之宅樹墻下以桑殷殷為時君言之至再至三誠以為欲重民生不能舍本務而但圖末藝也况浙江之湖州湖北之武昌直隸之保定皆已舉行收有成效海內至廣高原宜山蠶下隰宜澤蠶北方養蠶晚南方養蠶早無不可以充衣食資賦稅安忍舉此南北東西數萬里之膏腴沃土而廢棄之不難而畏難苟安而不振以誤生靈而不

蠶桑全編 卷一
求富積然則經國用籌兵餉之大者全在乎此其效與農等而無蠲租濟賑之害其利大於鹽而無鹽梟偷漏之害何所畏而不為者理合附片瀝陳仰懇

上諭飭令各省督撫一體飭令府廳州縣地方將蠶政事理一率行遵者保薦違者參劾不得姑寬亦不得聽其捏辭搪塞庶從古自然之利可以興矣謹恭摺附陳伏乞

聖鑒謹 奏奉

上諭徐樹銘奏請飭各省舉行蠶政等語蠶政與農工並重浙江湖北直隸等省均已辦有成效各省宜蠶之地尚多即着各督撫飭令地方官認真籌辦以廣利源欽此

人倫
女音



卷一百一十五

蠶桑萃編卷首

繪首目錄

康熙三十三年

詔勸農桑

康熙三十五年

御製耕織圖

雍正二年

聖諭重農桑

光緒二十三年

上諭飭各省舉行蠶政

餘音

卷之三